



FOTO R.FEINER/52BESTEBAUTEN.CH

Renaschè suenter l'incendi

■ (ls/fmr) La chasa da la patinera a Tavau – construïda dal 1934 – è stada ditg in rar monument dal «Neues Bauen» en il Grischun. L'edifizi da Rudolf Gaberel (1882–1963) steva a travers en la val, en furma cubica e da lain, cun tribuna vers la gronda patinera. Ma l'edifizi è vegnì destrüi dal 1991 tras in

incendiament. Tar la construcziun dal nov center da sport han *Annette Gigon* (*1959) e *Mike Guyer* (*1958) fatg dal 1993–1996 tutta reverenza al vegl edifizi. Il nov fabricat è ina resposta contemporana sin l'architettura da sanatoris da Tavau da l'entschatta dal 20avel tschientaner, t.a. cun verandas lungas e

cun in tetg plat caracteristic. Cun ina fina modestadad sa fa valair uschia il «nov» center sper la gronda halla da glatsch cun ses tetg dominant.

Il center da sport a Tavau tutga tar ils 52 edifizis che la Lia grischuna per la protecziun da la patria preschenta quest onn sut il titel «52 beste Bauten».